

Fundargerð 897. fundar

stjórnar Sambands íslenskra sveitarfélaga

Árið 2021, föstudaginn 30. apríl kl. 12:00 kom stjórn Sambands íslenskra sveitarfélaga saman til fundar og fór hann fram í gegnum fjarfundarbúnað.

Fundinn sátu: Aldís Hafsteinsdóttir, Heiða Björg Hilmisdóttir, Pórdís Lóa Þórhallsdóttir, Eyþór Laxdal Arnalds, Gunnar Einarsson, Guðmundur Ari Sigurjónsson, Daníel Jakobsson, Bjarni Jónsson, Kristján Þór Magnússon, Jón Björn Hákonarson og Ásgerður Kristín Gylfadóttir.

Rakel Óskarsdóttir boðaði forföll, varamaður hennar Daníel Jakobsson mætti í hennar stað.

Að auki sátu fundinn Karl Björnsson framkvæmdastjóri og sviðsstjórnarnir Anna G. Björnsdóttir, Valur Rafn Halldórsson, Inga Rún Ólafsdóttir, Sigurður Ármann Snævarr og Guðjón Bragason, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 896. fundar - 2101077SA

Lögð fram til staðfestingar fundargerð 896. fundar stjórnar sambandsins frá 26. mars 2021.

Fundargerðin var samþykkt og verður hún undirrituð á næsta stjórnarfundum sem verður haldinn í húsnæði sambandsins.

2. Fyrirkomulag landsþings 2021 - 2101027SA

Lagt fram minnisblað sviðsstjóra rekstrar- og útgáfusviðs sambandsins, dags. 27. apríl 2021, um fyrirkomulag landsþings 2021. Formaður upplýsti að forsætisráðherra muni flytja stutt ávarp á þinginu í tilefni þess að nú er aðgengileg „Verkfærakista um heimsmarkmiðin fyrir sveitarfélög“ á vegum stýrihóps forsætisráðuneytisins um markmiðin.

Stjórnin samþykkir að fela starfsmönnum sambandsins að halda undirbúningi landsþings áfram í samræmi við umræðu á fundinum. Endanleg ákvörðun um hvort þingið verður eingöngu stafrænt verður tekin í síðasta lagi 10. maí og mun niðurstaða einkum ráðast af samkomutakmörkunum sem verða í gildi í maí.

3. Stafrænt ráð sveitarfélaga - 2009664SA

Lagðar fram fundargerðir 4., 5. og 6. fundar stafræns ráðs sveitarfélaga frá 18. nóvember 2020, 3. mars og 21. apríl 2021.

Framkvæmdastjóri upplýsti um að búið væri að ganga frá ráðningu í tvö störf verkefnisstjóra í stafrænt teymi en bæði störfín voru auglýst án staðsetningar.

4. Félagsþjónustunefnd sambandsins - 2009307SA

Lögð fram fundargerð 54. fundar félagsþjónustunefndar sambandsins frá 14. apríl 2021. Sviðsstjóri lögfræði- og velferðarsviðs greindi frá fundi sem haldinn var 21. apríl sl. þar sem fram fóru gagnlegar umræður um mótun stefnu um heilbrigðisþjónustu fyrir aldraða. Á fundinn mætti Halldór S. Guðmundsson, sem leiðir stefnumótunarvinnuna f.h. heilbrigðisráðherra, ásamt fulltrúum sem sambandið hefur tilnefnt í starfshópa um málefni aldraða.

5. Málþing um sameiningar sveitarfélaga - 2104048SA

Framkvæmdastjóri sambandsins gerir grein fyrir málþingi um sameiningar sveitarfélaga sem sambandið mun standa fyrir í fjarfundi 7. maí nk.

Stjórnin hvetur sveitarstjórnarmenn og almenning til að fylgjast með málþinginu.

6. Samkomulag um aðgengismál fatlaðs fólks - 2103028SA

Lögð fram drög að samstarfsyfirlýsingu milli samgöngu- og sveitarstjórnarráðuneytisins vegna Jöfnunarsjóðs sveitarfélaga, félagsmálaráðuneytisins, Sambands íslenskra sveitarfélaga og Öryrkjabandalags Íslands um átak sem felur í sér hvatningu til sveitarfélaga um að vinna markvisst að úrbótum í aðgengismálum í samræmi við stefnu og framkvæmdaáætlun í málefnum fatlaðs fólks fyrir árin 2017-2021.

Stjórnin fagnar samstarfsyfirlýsingunni og hvetur sveitarstjórnir til þess að nýta þetta kærkomna tækifæri til að vinna að úrbótum í aðgengismálum fatlaðs fólks. Jafnframt samþykkti stjórnin umboð til formanns og framkvæmdastjóra að undirrita yfirlýsinguna.

7. Skýrsla um greiningu á rekstrarkostnaði hjúkrunarheimila - 2009237SA

Lögð fram skýrsla verkefnisstjórnar sem heilbrigðisráðherra skipaði þann 20. júlí 2020 um greiningu á rekstrarkostnaði hjúkrunarheimila, dags. í apríl 2021.

Niðurstöður skýrslunnar eru sláandi. Þegar tekið er tillit til framlags frá sveitarfélögum sem var tæpur 1 ma.kr. og afturvirkra launahækkana vegna kjarasamninga er halli heimilanna samtals 2,7 ma. kr. árið 2019. Að auki dregur skýrslan fram mönnunarvanda heimilanna, en þau ná hvorki að uppfylla lágmarksviðmið Embættis Landlæknis um umönnunarklukkustundir né samsetningu fagstétta við umönnun. Samningar við heimilin hafa enda ekki tekið mið af þeim viðmiðum sem leiðir af sér að þjónustan er að langstærstum hluta veitt af ófaglærðu fólki. Til að ná lágmarksviðmiðum um umönnunarklukkustundir þyrfti aðra 3 ma.kr. til viðbótar. Ljóst er að heimilin búa við bráðavanda og hafa gert lengi. Ofan á þetta bætist að 1. maí nk. tekur gildi breytt fyrirkomulag vegna vaktavinnu sem mun líklega auka launakostnað um 10-15%.

Óþarft á að vera að minna á að heilbrigðisþjónusta er á ábyrgð ríkisins. Það er skýlaus krafa stjórnar sambandsins að daggjöld hjúkrunarheimila verði hækkuð strax í samræmi við niðurstöður þessarar skýrslu og þeirrar kostnaðarhækkunar sem fylgir styttingu vinnutíma vaktavinnufólks þann 1. maí nk.

8. Umsögn um tillögu til þingsályktunar um fjármálaáætlun fyrir árin 2022-2026 - 2103044SA

Lögð fram umsögn sambandsins til fjárlaganefndar Alþingis, dags. 7. apríl 2021, um tillögu til þingsályktunar um fjármálaáætlun fyrir árin 2022-2026, 627. mál.

Stjórnin tekur undir þær áherslur sem fram koma í umsögninni. Stjórnin áréttar mikilvægi þess að sveitarfélögin þurfa gott aðgengi að lánsfé á hagstæðum kjörum ásamt því að stuðningsaðgerðir sem samþykktar voru í yfirlýsingu ríkisstjórnar frá 2. október 2020 gildi einnig á yfirstandandi ári.

9. Drög að umsögn um frumvarp til laga um breytingu á lögum um verndar- og orkunýtingaráætlun og tillögu til þingsályktunar um staðsetningu vindorkuvera í landslagi og náttúru Íslands - 2104033SA

Lögð fram drög að umsögn sambandsins til umhverfis- og samgöngunefndar Alþingis, dags. 21. apríl 2021, um frumvarp til laga um breytingu á lögum um verndar- og orkunýtingaráætlun, nr. 48/2011 (málsmeðferð virkjunarkosta í vindorku), 709. mál og um tillögu til þingsályktunar um staðsetningu vindorkuvera í landslagi og náttúru Íslands, 707. mál.

Sviðsstjóri lögfræði- og velferðarsviðs fór yfir helstu álitæfni í frumvarpinu og þingsályktuninni. Honum var falið að ganga frá endanlegri umsögn að loknu samráði við stjórn Samtaka orkusveitarfélaga.

10. Samstarf við ungmennaráð UMFÍ vegna markmiða um ungmennaráð í stefnumörkun landsþings 2018-2022 - 2009413SA

Lagt fram minnisblað sviðsstjóra þróunar- og alþjóðasviðs sambandsins, dags. 26. apríl 2021, um samstarf við ungmennaráð UMFÍ vegna markmiða um ungmennaráð í stefnumörkun landsþings 2018-2022, ásamt upplýsingum frá Ungmennaráði UMFÍ, dags. í mars 2021.

Guðmundur Ari Sigurjónsson var tilnefndur sem fulltrúi stjórnar sambandsins í undirbúningshóp um málið.

11. 40. Sveitarstjórnarþingið í Strasbourg 2021 - 2009042SA

Lagt fram minnisblað sviðsstjóra þróunar- og alþjóðasviðs sambandsins, dags. 26. apríl 2021, um 40. Sveitarstjórnarþingið í Strasbourg 2021.

12. Tilnefning í fornminjanefnd - 2103046SA

Lagt fram til kynningar bréf sambandsins til mennta- og menningarmálaráðuneytisins, dags. 29. mars 2021, þar sem Anna Guðrún Björnsdóttir, sviðsstjóri þróunar- og alþjóðasviðs sambandsins, er tilnefnd til áframhaldandi setu í fornminjanefnd, og er Valur Rafn Halldórsson, tilnefndur til áframhaldandi setu sem varamaður.

13. Tilnefning í reikningsskila- og upplýsinganefnd - 2104019SA

Lagt fram til kynningar bréf sambandsins til samgöngu- og sveitarstjórnarráðuneytisins, dags. 20. apríl 2021, þar sem Gísli H. Guðmundsson, borgarborgari, er tilnefndur til áframhaldandi setu sem aðalmaður, í reikningsskila- og upplýsinganefnd, og er Sigurrós Ásta Sigurðardóttir, sérfræðingur í uppgjörseild á Fjármála- og áhættustýringasviði Reykjavíkurborgar, tilnefnd til áframhaldandi setu sem varamaður. Einnig tilnefnir sambandið Ingibjörgu Garðarsdóttur, fjármálastjóra Sveitarfélagsins Árborgar, til áframhaldandi setu sem aðalmaður, í nefndina, og er Jóhannes Á. Jóhannesson, sérfræðingur á hag- og upplýsingasviði sambandsins, tilnefndur til áframhaldandi setu sem varamaður.

14. Tilnefning í faggildingarráð - 2012042SA

Lagt fram til kynningar bréf sambandsins til atvinnuvega- og nýsköpunarráðuneytisins, dags. 26. apríl 2021, þar sem Óskar Ísfeld Sigurðsson, deildarstjóri Heilbrigðiseftirlits Reykjavíkur, er tilnefndur í faggildingarráð.

15. **Umsögn um tillögu til þingsályktunar um stefnumótun á sviði stafrænnar þróunar - 2103037SA**
 Lögð fram til kynningar umsögn sambandsins til allsherjar- og menntamálanefndar Alþingis, dags. 22. mars 2021, um tillögu til þingsályktunar um stefnumótun á sviði stafrænnar þróunar, 455. mál.
16. **Umsögn um frumvarp til laga um breytingu á lögum um Greiningar- og ráðgjafarstöð ríkisins - 2011057SA**
 Lögð fram til kynningar umsögn sambandsins til velferðarnefndar Alþingis, dags. 24. mars 2021, um frumvarp til laga um breytingu á lögum um Greiningar- og ráðgjafarstöð ríkisins, 561. mál.
17. **Umsögn um drög að stefnu um stafræna þjónustu hins opinbera - 2103048SA**
 Lögð fram til kynningar umsögn sambandsins til fjármála- og efnahagsráðuneytisins, dags. 6. apríl 2021, um drög að stefnu um stafræna þjónustu hins opinbera.
18. **Umsögn um frumvarp til laga um breytingu á ýmsum lögum vegna laga um persónuvernd og vinnslu persónuupplýsinga nr. 90/2018 - mennta- og menningarmál - 2103033SA**
 Lögð fram til kynningar umsögn sambandsins til allsherjar- og menntamálanefndar Alþingis, dags. 7. apríl 2021, um frumvarp til laga um breytingu á ýmsum lögum vegna laga um persónuvernd og vinnslu persónuupplýsinga nr. 90/2018 (mennta- og menningarmál), 585. mál.
19. **Umsögn um frumvarp til laga um breytingar á jarðalögum - 2101058SA**
 Lögð fram til kynningar framhaldsumsögn sambandsins til atvinnuveganefndar Alþingis, dags. 8. apríl 2021, um frumvarp til laga um breytingar á jarðalögum, 375. mál, ásamt fylgiskjali.
20. **Umsögn um tillögu til þingsályktunar um nýja þýðingu á samningi Sameinuðu þjóðanna um réttindi fatlaðs fólks - 2103039SA**
 Lögð fram til kynningar umsögn sambandsins til allsherjar- og menntamálanefndar Alþingis, dags. 8. apríl 2021, um tillögu til þingsályktunar um nýja þýðingu á samningi Sameinuðu þjóðanna um réttindi fatlaðs fólks, 568. mál.
21. **Umsögn um frumvarp til laga um breytingu á lögum um almannavarnir, nr. 82/2008 - almannavarnarstig o.fl. - 2103042SA**
 Lögð fram til kynningar umsögn sambandsins til allsherjar- og menntamálanefndar Alþingis, dags. 9. apríl 2021, um frumvarp til laga um breytingu á lögum um almannavarnir, nr. 82/2008 (almannavarnarstig o.fl.), 622. mál.
22. **Umsögn um drög að frumvarpi til laga um breytingu á lögum um virðisaukaskatt, nr. 50/1988 - byggingastarfsemi, almenningssamgöngur o.fl. - 2101053SA**
 Lögð fram til kynningar umsögn sambandsins til fjármála- og efnahagsráðuneytisins, dags. 14. apríl 2021, um drög að frumvarpi til laga um breytingu á lögum um virðisaukaskatt, nr. 50/1998 (byggingastarfsemi, almenningssamgöngur o.fl.), S-93/2021.

23. Umsögn um tillögu til þingsályktunar um lýðheilsustefnu til ársins 2030 - 2104009SA

Lögð fram til kynningar umsögn sambandsins til velferðarnefndar Alþingis, dags. 21. apríl 2021, um tillögu til þingsályktunar um lýðheilsustefnu til ársins 2030, 645. mál.

24. Umsögn um frumvarp til laga um breytingu á ýmsum lögum á málefna sviði mennta- og menningarmála - öflun sakavottorðs - 2104044SA

Lögð fram til kynningar umsögn sambandsins til allsherjar- og menntamálanefnd Alþingis, dags. 21. apríl 2021, um frumvarp til laga um breytingu á ýmsum lögum á málefna sviði mennta- og menningarmála (öflun sakavottorðs), 715. mál.

25. Umsögn um drög að reglugerð um Jafnréttisráð - samráðsvettvang um jafnrétti kynjanna - 2104047SA

Lögð fram til kynningar umsögn sambandsins til forsætisráðuneytisins, dags. 23. apríl 2021, um drög að reglugerð um Jafnréttisráð - samráðsvettvang um jafnrétti kynjanna, mál nr. S-95/2021.

26. Umsögn um tillögu til þingsályktunar um endurskoðaða landsskipulagsstefnu 2015-2026 - 2104034SA

Lögð fram til kynningar umsögn sambandsins til umhverfis- og samgöngunefndar Alþingis, dags. 27. apríl 2021, um tillögu til þingsályktunar um endurskoðaða landsskipulagsstefnu 2015-2026, 705. mál.

27. Umsögn um frumvarp til laga um loftferðir - 2010017SA

Lögð fram til kynningar umsögn sambandsins til umhverfis- og samgöngunefndar Alþingis, dags. 27. apríl 2021, um frumvarp til laga um loftferðir, 586. mál.

28. Gjaldtaka sveitarfélaga vegna eftirlits með gámum á atvinnulóðum - 2104030SA

Lagt fram til kynningar bréf sambandsins til Samtaka iðnaðarins, dags. 28. apríl 2021, um gjaldtöku sveitarfélaga vegna eftirlits með gámum á atvinnulóðum, ásamt bréfi Samtaka iðnaðarins, dags. 15. mars 2021.

Fundi var slitið kl. 13:50

Aldís Hafsteinsdóttir

Heiða Björg Hilmisdóttir

Pórdís Lóa Þórhallsdóttir

Eypór Laxdal Arnalds

Gunnar Einarsson
Guðmundur Ari Sigurjónsson
Daníel Jakobsson
Bjarni Jónsson
Kristján Þór Magnússon
Jón Björn Hákonarson
Ásgerður Kristín Gylfadóttir
framkvæmdastjóri
ritari